

Headline **Anugerah bawa makna besar- Roslinda**
 Date **14. Apr 2008** Language **MALAY**
 Media Title **Utusan Malaysia** Page No **31**
 Section **Sukan** Article Size **203 cm2**
 Circulation **238082** Frequency **Daily**
 Readership **833287** Color **Full Color**



MASUM 2007

Anugerah bawa makna besar – Roslinda

JOHOR BAHRU – Pemilihan Roslinda Samsu, 26, sebagai Olahragawati Majlis Sukan Universiti Malaysia (Masum) 2007 membawa makna besar kepadanya, lapor **KHADIJAH IBRAHIM**.

Beliau yang merupakan atlet lompat bergalah kebangsaan berkata, pengiktirafan tersebut sekali gus menambahkan lagi keyakinannya untuk beraksi pada Sukan Olimpik Beijing 2008, Ogos ini.

Katanya, pengiktirafan tersebut bukan sahaja memberi semangat kepada para atlet malah mampu membuka mata masyarakat tentang bidang sukan.

“Selama ini orang selalu pandang rendah kepada ahli sukan dan saya sendiri dahulu tidak mendapat restu daripada ahli keluar-

ga hila aktif sukan.

“Sekarang ini apabila mereka melihat kesungguhan dan kejayaan yang diperolehi, saya tidak ada masalah lagi. Sebaliknya, keluarga merupakan pendorong utama,” katanya.

Roslinda, pelajar Universiti Putra Malaysia (UPM) Serdang, Selangor, berkata demikian selepas majlis anugerah Masum 2007 yang diadakan di Persada Johor di sini semalam.

Pada majlis itu, beliau menerima trofi, sijil dan wang tunai RM3,000 yang disampaikan oleh Menteri Pengajian Tinggi, Datuk Seri Mohamed Khaled Nordin.

Turut hadir Naib Canselor

Universiti Teknologi Malaysia (UTM), Tan Seri Prof. Dr. Mohd. Zulkifli Mohd. Ghazali.

Roslinda yang merupakan pelajar tahun dua Ijazah Sarjana Muda Pendidikan Jasmani UPM berkata, sesiapa sahaja boleh menjadi atlet berjaya kalau berdisiplin.

Sementara, Muhammad Farkhan Mohd. Haron, 19, yang aktif dalam sukan tinju dipilih sebagai Bintang Harapan Lelaki.

Pelajar daripada Universiti

Teknologi Mara (UiTM) itu tidak menduga terpilih untuk kategori tersebut yang melayakkannya menerima trofi, sijil dan wang tunai RM1,000.

“Seperti mimpi kerana ini adalah pertama kali saya dicalonkan untuk anugerah itu dan menang pula. Kemenangan ini memberi semangat kepada saya untuk terus berusaha,” katanya.

Dalam pada itu, anugerah Bintang Harapan Wanita menjadi milik Nor'ain Ibrahim, 22, pelajar Universiti Putra Malaysia (UPM) yang mewakili ne-

gara dalam acara menembak.

“Saya terkejut dan tidak sangka menang kerana saingannya hebat-hebat belaka,” katanya.

Pemenang Olahragawan Masum 2007 Mohamad Sukri Abd. Mutalib, seorang pelajar UPM kini berada di Jepun mewakili pasukan hoki dan Penghargaan Khas Masum 2007 diberikan kepada Chee Chew Chan, pelajar UPM yang menyertai sukan taekwondo.

Sementara itu, Prof. Datuk Dr. Mohd. Wahid Samsudin (UPM) dipilih sebagai Tokoh Pemimpin, manakala Nur Ekmal Buhari dari Universiti Sains Islam Malaysia dipilih sebagai Pengurus Pasukan Terbaik bagi sukan taekwondo.